

SCRIPT OF MORNING GOJRI NEWS BULLETIN 20SEP 1015 HRS

ما رنینگ گو جری نیوز بلیٹن مو رخہ 20 ستمبر 2025

یوہ آکا شوانی جموں بے عبیدلرحمان تیں خبر سُنو۔

CM MSME

وزیر اعلیٰ عمر عبداللہ نے کہیو ہے کہ جموں کشمیر غے اندر صنعتی ترقی نال روز گار غا موقع پیدا ہونا چاہیے تے نوجواناں تے فن نقاشی نال تعلق رکھن آلا افراد غی زندگی تے معیاری ترقی ماتہ بہتری ماتہ یقینی بنایو جے موصوف نے لوکی تے درمیانہ درجہ غی صنعتاں غا وقت رہتیں تعاون ورزور پایو تاکہ ان لوکا کاروباراں ماتہ بند ہون تیں بچایو جاسکے صنعت وحرمت محکمہ غا کام کاج گو جائیزو لینا ماتہ وزیر اعلیٰ نے صنعتی پروجیکتاں غی تعمیر ماتہ تیزی لیان تے کاروبار ماتہ آسان بنان تے اس ضمن ماتہ خصوصی توجہ دین ورزور پایو۔ میٹنگ غے دوران دسیو گیو کہ سرمایہ کاری ماتہ بادو ہوویو ہے تے اس نال تقریباً 5 ہزار افراد ماتہ روز گار حاصل ہوویو ہے اسے طرح سٹارٹ اپس تے دست کاری برآمدات وی بدھ رہی ہیں جس نال جموں کشمیر غا صنعتی ماحول تے معاشی ترقی ماتہ بہتری آرہی ہے۔

DODA UDH ENCOUNTER

گزشتہ شام ڈوڈہ تے ادھمپور ضلع غی سرحد ور حفاظتی دستاں تے دہشت گردان بشکار ٹاکرا غو سلسلو شروع ہوویو کشتواڑ غا ایک علاقہ ماتہ دہشت گردان غی موجودگی غی خفیہ سو ملن تیں بعد وائیٹ نائیٹ کاپس غا چوکس دستاں نے کاروائی کرتا ماتہ 19 ستمبر 2025 غی شام تقریباً 8 بجے دہشت گردان گو پتو لایو تے گولہ باری گو سلسلو شروع ہو گیو وائیٹ نائیٹ کاپس غی طرفوں ایکس ور جاری بیان غے مطابق فوج تے دہشت گردان بشکار ٹاکرا آلی جگہ ڈوڈہ ادھمپور سرحد دسی گئی ہے آکاشوانی نیوز نال گل کرتا ماتہ وزارت دفاع غا پی آر او تے ترجمان لیفٹیننٹ کرنل سونیل برتوال نے اس گل غی تصدیق کی ہے اسے طرح فوج تے جموں کشمیر پولیس غی طرفوں ضلع پونچھ ماتہ خفیہ سو ملن ور کی گئی تلاشی کاروائی غے دوران بڑا پیمانہ ور اصلحو برآمد ہوویو ہے جس ماتہ ایک اے کے سیریز ہتھیار 4 اے کت میگزین 20 گڈنیٹز وغیرہ شامل ہیں سوشل میڈیا پوسٹ ور وائیٹ نائیٹ کاپس نے اس بارے جانکاری دتی تے کہیو کہ تلاشی کاروائی آلیں جاری ہے۔

NORTHERN RAILWAY TRAIN UPDATE

بھاری بارشاں تے سیلابی صورتحال غے پیش نظر خطہ جموں غے اندر منقطع ہویا ریل خدمات غا سلسلہ ماتہ آئندہ کل تیں دوبارہ بحال کیو جارہی وے حفاظتی تدبیراں ماتہ مد نظر رکھتاں ماتہ مرہلہ وار طرز ور شمالی ریلوے نے اعلان کیو ہے کہ جموں توی تیں وارانسی جموں توی تیں پٹنہ تے جموں توی تیں بوورا جان آلی ریل گڈیاں ماتہ آئندہ کل تیں چلايو جے غو۔ اسے طرح شرح ماتا ویشنو دیوی کٹڑہ ڈاکٹر امبیدکر نگر ریل آئندہ سمار تیں شروع کی جئیں غی خطہ غا سننیر کمرشل منیجر اوچت سنگل نے واضع کیو ہے کہ ریلوے رستہ غا تکنیکی کام کاج تے پُلاں گو کام تقریباً مکمل ہو گیا ہے مسافراں ماتہ ہدایت کی گئی ہے کہ وے سفر کرن تیں

پہلاں شمالی ریلوے غی ویب سائینٹ نانہ ضرور دیکھیں یا فر ہیلپ لائن نمبر ور رابطو کرلیں۔

JKBOSE EXAMS

جموں کشمیر بورڈ برائے اسکولی تعلیم غی طرفوں 10 ویں تے 11 ویں جماعتاں غا ملتوی ہویا امتحانات غی نوی تاریخاں گو اعلان کیو گیو بے بورڈ غی طرفوں جاری نوٹفکیشن مانہ 11 ویں جماعت غو امتحان 25 ستمبر نانہ کرایو جے گو جد کہ 10 ویں جماعت غو امتحان 26 ستمبر نانہ جمعہ غے روز منعقد وے غو یے امتحان پہلاں 10 ستمبر نانہ کرایا جانا تھا لیکن پیچیدہ صورتحال غے پیش نظر یہ امتحان ملتوی کردتا گیا تھا امتحان غو وقت تے جگہ گزشتہ نوٹفکیشن غے مطابق واپی رے غی طالب علم مزید جانکاری جموں کشمیر بورڈ برائے اسکولی تعلیم غی ویب سائینٹ ورں وی حاصل کرسکیں۔ www.jkbose.nic.in

GST REFORMS

جموں کشمیر غا باشندان نے حالیہ دنان مانہ جی ایس ٹی ریٹ نانہ کھٹ کرنغا قدم گو خیر مقدم کیو بے جدید دور غا جی ایس ٹی اصلاحات تبدیلی غے تحت لیا گیا اس قدم نانہ مقامی لوکاں نے ایک بڑی راحت کہی وے سرکار نے گھراں مانہ استعمال ہون آلی الیکٹریشن اشیاء ور جی ایس ٹی 28 فی صد تیں کھٹا غے 18 فی صد کردتی بے اس قدم غو مقصد اشیاء غی مانگ مانہ بادیو مقامی اشیاء تیار کرن آلاں غع تعاون تے در آمدات ور انحصار نانہ کم کرنو بے عوام نے سرکار غی طرفوں لیا گیا اس برا قدم گو خیر مقدم کیو بے تے کہیو بے کہ اس قدم نال لوکا تے درمیانہ درجہ غا کاروباریاں نانہ وی کافی فائدو حاصل وے گو۔ واضع رہ کہ جی ایس ٹی قیمتاں مانہ آئی تبدیلی آئندہ سموارتیں لاگو وے غی۔

SEWA PARV

پورا ملک غے اندر سیوا پرو تقریبات غا سلسلہ مانہ اج ہم دساں غا کہ کس طرح مودی سرکار عومی خدمات متعلق اپنا وعداں انہ توسیع دے رہی بے اور کس طرح تمام لوکاں وستے بیما اسکیم غی شروعات کی گئی 2015 مانہ شروع کی گئی جن سورکشا اسکیم پی ایم جیون جیوتی بیما یوجنا تے پی ایم سورکشا بیما یوجان غے تحت زندگی بیما تے حادثاتی بیما دتا جءن اس تیں علاوہ پردھان منتری جن آروگیا یوجان غے تھت 5 لکھ روپیاں تک صحت بیمو سالانہ ہر کنبہ نانہ دتو جارہیو بے ان سکیمان نال شہریاں غی دنگی تے اُن غی صحت غا خرچاں مانہ کافی راحت حاصل ہوئی بے۔

PROG ANN

علاقائی خبراں آلو یونٹ آکاشوانی جموں غی طرفوں ایک خصوصی مباحثہ پروگرام پیش کی وجے غو جہرو 30 منٹ گو وے گو تے اس غو موضوع وے گو کھیڈ بطور ایک نویں پشان برائے جموں کشمیر یوہ مباحثہ سیوا پرو 2025 جہیڑو کہ 15 ستمبر تیں مانیو جارہیو بے غی تقریبات غا سلسلہ مانہ بے یاہ خصوصی نشریات 20 ستمبر 2025 بار غے روز دوپہر ساڈھ 12 بجے نشر کیو جے غو۔ اس خصوصی پروگرام مانہ ماری مہمان ویں غی محترمہ انرو رادھا گپتا جے کے اے ایس دائریکٹر

جنرل محکمہ نوجوانان بارے خدمات تے کھیٹ جموں کشمیر وینگی جہڑی اس
موضوع ور اپنی بصیرت تے ماہر آراء پیش کرینگی پروگرام غی میزبانی مہارا اینکر وجے
بجاج تے عالم خان کرینگا۔ سامعین یوہ پروگرام میڈیم ویو 303 میٹر یعنی 990 کلو
ہٹز تے ایف ایم 100.3 ورسن سکیں غا۔
